

**«O'zbekinvest Hayot sug'urta kompaniyasi»  
акциядорлик жамияти қузатув кенгаши тўғрисида  
НИЗОМ**

**1-боб. Умумий қондалар**

1. Мазкур Низом Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги, “Сугурта фаолият тўғрисида”ги қонунлари, Ўзбекистон Республикаси Президентининг 2015 йил 24 апрелдаги ПФ-4720-сон “Акциядорлик жамиятларида замонавий корпоратив бошқарув услубларини жорий этиш чора-тадбирлари тўғрисида”ги Фармони ва «O'zbekinvest Hayot sug'urta kompaniyasi» акциядорлик жамияти Уставига асосан ишлаб чиқилган.

2. Низом «O'zbekinvest Hayot sug'urta kompaniyasi» акциядорлик жамияти Кенгашининг мақомини белгилайди ва унинг ишини, кенгаш аъзоларни сайлаш тартибини, шунингдек Қузатув кенгаши аъзоларининг ҳуқуқ ва мажбуриятларини белгилаб беради.

3. «O'zbekinvest Hayot sug'urta kompaniyasi» акциядорлик жамияти Қузатув Кенгаши (кейинги ўринларда - Қузатув кенгаши деб юритилади) Жамият фаолиятига умумий раҳбарликни амалга оширади, Акциядорлар умумий йиғилишининг мутлоқ ваколати доирасига киритилган масалаларни ҳал этиш бундан мустаснодир.

**2-боб. Қузатув кенгашининг ваколатлари**

4. Қузатув кенгаши ваколатларига қуйидагилар қиради:

«O'zbekinvest Hayot sug'urta kompaniyasi» акциядорлик жамиятини ривожлантириш стратегиясига эришиш бўйича кўрилаётган чора-тадбирлар тўғрисида «O'zbekinvest Hayot sug'urta kompaniyasi» акциядорлик жамияти ижро органининг ҳисоботини мунтазам равишда эшитиб борган ҳолда Жамият фаолиятининг устувор йўналишларини белгилаш;

Акциядорларнинг умумий йиғилиши ўтказиладиган сана, вақт ва жойни белгилаш;

йиллик ва навбатдан ташқари Акциядорларнинг умумий йиғилишларни чақириш, қонун ҳужжатларида назарда тутилган ҳоллар бундан мустасно;

Акциядорларнинг умумий йиғилиши ўтказилиши ҳақида хабар қилиш учун «O'zbekinvest Hayot sug'urta kompaniyasi» акциядорлик жамияти акциядорларининг реестрини шакллантириш санасини белгилаш;

Акциядорларнинг умумий йиғилишида иштирок этиш ҳуқуқига эга «O'zbekinvest Hayot sug'urta kompaniyasi» акциядорлик жамияти акциядорларининг реестрини шакллантириш санасини белгилаш;

Акциядорларнинг умумий йиғилиш қун тартибини тайёрлаш;

«O'zbekinvest Hayot sug'urta kompaniyasi» акциядорлик жамияти уставига ўзгартиришлар ва қўшимчалар киритиш ёки янги таҳрирдаги уставини тасдиқлаш тўғрисидаги таклифларни тасдиқлаш учун Акциядорларнинг умумий йиғилишига киритиш;

«O'zbekinvest Hayot sug'urta kompaniyasi» акциядорлик жамияти ижро органи тузиш, Бош директорини тайинлаш бўйича таклифлар киритиш;

Бош директорининг ўринбосарларини тайинлаш (тасдиқлаш), бош директор маслаҳатчиси ва консултант лавозим мажбуриятларни келишиш, уларни ваколатларини муддатидан илгари тугатиш келишиш;

«O'zbekinvest Hayot sug'urta kompaniyasi» акциядорлик жамияти номидан Бош директорини



ёллаш тўғрисидаги меҳнат шартномасини тузиш;

«O'zbekinvest Hayot sug'urta kompaniyasi» акциядорлик жамиятининг ташкилий-бошқарув тузилмасини келишиш;

«O'zbekinvest Hayot sug'urta kompaniyasi» акциядорлик жамиятининг ходимларига ҳақ тўлаш тўғрисида Низомни ва «O'zbekinvest Hayot sug'urta kompaniyasi» акциядорлик жамиятининг ходимларига ссуда/қарз бериш тартибларини келишиш;

Жамият Бош директори «O'zbekinvest Hayot sug'urta kompaniyasi» акциядорлик жамиятининг ходимларига ҳақ тўлаш тўғрисида Низомни шахсий устамани белгилаш;

«O'zbekinvest Hayot sug'urta kompaniyasi» акциядорлик жамиятининг Бош директори томонидан бош директор ўринбосарлари, бош директор маслахатчиси ва Жамият консультантларига ўрнатаётган шахсий устама тўловини ёки иш ҳақи миқдорини тасдиқлаш;

«O'zbekinvest Hayot sug'urta kompaniyasi» акциядорлик жамиятининг корпоратив облигациялари, шу жумладан акцияларга айирбошладиган облигациялар чиқариш шунингдек, бошқа қарз мажбуриятларини чиқариш тўғрисида қарор қабул қилиш;

«O'zbekinvest Hayot sug'urta kompaniyasi» акциядорлик жамияти тафтиш комиссияси аъзолари (тафтишчи)га тўладиган мукофотлар ва компенсациялар миқдори бўйича тавсиялар бериш;

«O'zbekinvest Hayot sug'urta kompaniyasi» акциядорлик жамиятининг захира ва бошқа фондларидан фойдаланиш бўйича қарор қабул қилиш;

«O'zbekinvest Hayot sug'urta kompaniyasi» акциядорлик жамиятининг ички аудити тўғрисидаги низомни тасдиқлаш;

«O'zbekinvest Hayot sug'urta kompaniyasi» акциядорлик жамияти ижро органи фаолияти тўғрисидаги ҳужжатларни тасдиқлаш;

«O'zbekinvest Hayot sug'urta kompaniyasi» акциядорлик жамиятининг йиллик молиявий ҳисоботларни кўриб чиқиш ва Акциядорларнинг йиллик умумий йиғилиши ўтказиладиган санадан ўн кундан кечиктирмай (олдин) дастлабки тарзда тасдиқлаш;

Акциялар бўйича дивидендлар миқдори ва уларни тўлаш тартиби бўйича тавсиялар бериш;

«O'zbekinvest Hayot sug'urta kompaniyasi» акциядорлик жамиятининг шўба ва қарам бўлган корхоналарини ташкил этиш тўғрисида қарор қабул қилиш;

ҳар чоракда Бош директорининг жамият фаолияти натижалари тўғрисидаги ҳамда жамият ички аудита хизмати раҳбарининг ҳисоботларини эшитиш;

Ички аудит хизматини ташкил этиш ва унинг ходимларини тайинлаш;

Аудиторлик текширувини ўтказиш тўғрисида, аудиторлик ташкилотини ва унинг хизматларига тўладиган ҳақнинг энг кўп миқдорини белгилаш ҳақида қарор қабул қилиш;

Қонун ҳужжатларига мувофиқ йирик битимлар ҳамда аффилиланган шахслар билан тузилиши кутилаётган битимлар тўғрисида қарор қабул қилиш (ваколати доирасида);

«O'zbekinvest Hayot sug'urta kompaniyasi» акциядорлик жамиятининг устав фондини (устав капиталини) кўпайтириш, шунингдек жамият уставига жамиятнинг устав фондини кўпайтириш ҳамда жамиятнинг эълон қилинган акциялари сонини камайтириш билан боғлиқ ўзгартириш ва кўшимчалар киритиш масалаларни ҳал қилиш;

Акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;

Қимматли қоғозларнинг ҳосилаларини чиқариш тўғрисида қарор қабул қилиш;

«O'zbekinvest Hayot sug'urta kompaniyasi» акциядорлик жамиятининг корпоратив облигацияларини ва бошқа қимматли қоғозларни қайтариб сотиб олиш тўғрисида қарор қабул қилиш;

«O'zbekinvest Hayot sug'urta kompaniyasi» акциядорлик жамиятининг келгуси йилга мўлжалланган бизнес-режаси Кузатув кенгаши мажлисида жорий йилнинг 1 декабридан кечиктирмай маъқуллаш;

Қимматли қоғозларнинг чиқарилиши (акция, облигация) ва эмиссия рисоласига ҳамда унинг матнига ўзгартириш ва қўшимчалар киритиш;

«O'zbekinvest Hayot sug'urta kompaniyasi» акциядорлик жамиятини ўрта муддатга ва узок муддатга ривожлантиришнинг аниқ муддатлари белгиланган стратегиясини маъқуллаш ва Акциядорлар умумий йиғилиши тасдиғига киритиш;

«O'zbekinvest Hayot sug'urta kompaniyasi» акциядорлик жамиятида корпоратив бошқарув тизимини баҳолаш бўйича мустакил баҳоловчи ташкилотни ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш;

«O'zbekinvest Hayot sug'urta kompaniyasi» акциядорлик жамиятида корпоратив бошқарув тизимини баҳолаш натижаларини кўриб чиқиш ва Акциядорларнинг йиллик умумий йиғилишига тақдим этиш;

хомийлик (хайрия) ёки бегараз ёрдам кўрсатиш (олиш) тартиби ва шартларини белгилаш;

«O'zbekinvest Hayot sug'urta kompaniyasi» акциядорлик жамияти фаолиятининг устувор йўналишларини белгилаш шу билан бирга, жамият ижро органининг жамият ривожланиш стратегиясига эришиш борасида кўрилаётган чоралар тўғрисида ҳисоботларни доимий эшитиб бориш;

корпоратив консультантни тайинлаш ва унинг фаолият тартибини белгиловчи низомни тасдиклаш;

«O'zbekinvest Hayot sug'urta kompaniyasi» акциядорлик жамияти суғурта компаниянинг фаолиятига дахлдор ҳар қандай ҳужжатлардан эркин фойдаланиш ва Кузатув кенгаши зиммасига юклатилган вазифаларни бажариш учун бу ҳужжатларни жамиятидан олиш. Кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;

Корпоратив бошқарув кодекси тавсияларини амалиётга жорий этилишини назорат қилиш;

Амалдаги қонунчилик ва «O'zbekinvest Hayot sug'urta kompaniyasi» акциядорлик жамияти уставига мувофиқ Кузатув кенгаши ваколатига киритилган бошқа масалаларни ҳал қилиш.

5. Кузатув кенгаши ваколоти доирасидаги масалалар ҳал этиш учун жамият ижро органига берилиши мумкин эмас.

### **3-боб. Кузатув кенгашининг мажбуриятлари**

6. Қуйидагилар Кузатув кенгашининг мажбуриятлари ҳисобланади:

ўз ваколатларини Жамият акциядорлари манфаатларини кўзлаб амалга ошириш;

«O'zbekinvest Hayot sug'urta kompaniyasi» акциядорлик жамиятига ўз ваколатларига мос равишда раҳбарлик қилишни таъминлаш;

«O'zbekinvest Hayot sug'urta kompaniyasi» акциядорлик жамияти фаолияти, шу билан бирга суғурта фаолияти, инвестицион фаолияти ва бошқа қонунчиликда белгиланган фаолияти устидан назоратни амалга ошириш (акциядорлар манфаатларини ҳимоя қилиш мақсадида);

«O'zbekinvest Hayot sug'urta kompaniyasi» акциядорлик жамияти суғурта компанияси фаолияти стратегиясини шакллантириш;

«O'zbekinvest Hayot sug'urta kompaniyasi» акциядорлик жамияти ни ривожлантириш бўйича қабул қилинган бизнес-режалар ижросини назорат қилиш;

«O'zbekinvest Hayot sug'urta kompaniyasi» акциядорлик жамиятининг фойда кўриши мониторингини олиб бориш;

Ички аудит хизмати фаолият кўрсатишини ташкил этиш;

«O'zbekinvest Hayot sug'urta kompaniyasi» акциядорлик жамияти бошқарувидан мунтазам равишда жамият таркибига кирувчи филиаллар ва корхоналар фаолияти юзасидан уларнинг

тасдиқланган бизнес-режасига мувофиқ, бажарилган ишлар ва эришилган кўрсаткичлар тўғрисида ҳисобот талаб қилиш;

Кузатув кенгаши йиллик молиявий ҳисоботларни Халқаро молиявий ҳисобот стандартларига мувофиқ тарзда эълон қилишга ўтиш ва уларни мунтазамлигини таъминлаш мақсадида амалга ошириладиган ишларни мувофиқлаштиради.

Кузатув кенгаши аъзолари томонидан жамият фаолияти тўғрисида керакли ахборотларга эга бўлишлари учун етарли вақт ажратишини тақозо этади. Кузатув кенгашининг кун тартибини тайёрлаш, кенгаш мажлисларини ташкиллашган ва самарали ўтказилишига ёрдам бериши ҳамда мажлис баённомасига кун тартибидаги масалалар киритилганлигига ва уни тўғри расмийлаштирилишига ёрдам бериши учун Кузатув кенгаши томонидан котиб тайинланиши мумкин. Кузатув кенгаши котибига ҳақ тўлаш ва тўловларнинг миқдорлари Кузатув кенгаши томонидан белгиланади.

#### **4-боб. Кузатув кенгашининг аъзоларини сайлаш, тайинлаш ва ваколатларини муддатдан илгари тугатиш**

7. Кузатув кенгаши аъзолари акциядорлар умумий йиғилиши томонидан бир йил муддатга сайланади ва чекланмаган марта қайта сайланишлари мумкин.

Кузатув кенгаши аъзоларини сайлаш кумулятив овоз бериш йўли билан амалга оширилади.

Кумулятив овоз беришда ҳар бир акциядорга тегишли овозлар сайланиши керак бўлган Кузатув кенгаши аъзолари сонига кўпайтирилади ва акциядор ўз овозларни бир номзодга ёки икки ва ундан ортиқ номзодлар ўртасида тақсимлаши мумкин.

Энг кўп овоз олган номзодлар Кузатув кенгаши аъзолигига сайланади.

8. Кузатув кенгаши аъзолари сони жамият уставига асосан камида 3 (уч) кишидан иборат бўлиши керак. Акциядорлардан ташқари суғурта соҳаси олимлари ва мутахассислари ҳам Кузатув кенгаши аъзолари бўлиши мумкин. Шунингдек, Кузатув кенгаши таркибига биттадан кам бўлмаган (аммо жамият уставида кўзда тутилган Кузатув кенгаши аъзолари сонининг 15 фоизидан кам бўлмаган) мустақил аъзо киритилиши мумкин.

Куйидагилар Кузатув кенгашининг мустақил аъзоси бўлиши мумкин:

I. Сўнгги беш йил мобайнида жамиятида, унинг шўъба ва аффилиланган корхоналарида ишламаган шахслар;

II. Жамият, унинг шўъба ва аффилиланган корхоналари акциядори бўлмаган шахслар;

III. Жамият, унинг шўъба ва аффилиланган корхоналари билан қонун ҳужжатларида белгиланган базовий ҳисоблаш миқдори беш минг баравари миқдоридан юқори суммага тегишли шартномага эга бўлган йирик мижозлари ёки мол етказиб берувчилари билан боғлиқ бўлмаган шахслар;

IV. Жамият, унинг шўъба ва аффилиланган корхоналари билан хизмат кўрсатиш юзасидан шартномага эга бўлмаган шахслар;

V. Жамият, унинг шўъба ва аффилиланган корхоналари раҳбарлари бўлган ёки сўнгги беш йил мобайнида шундай лавозимларда ишлаган шахснинг оила аъзоси бўлмаган шахслар;

VI. Жамият назорат қилувчи шахс (ёки жамият устидан жамоа тарзида назорат олиб боровчи гуруҳ ва (ёки) ташкилот аъзоси бўлмаган шахслар;

VII. Жамият билан фуқаролик-ҳуқуқий шартнома орқали боғлиқ бўлмаган ва Жамиятининг соҳаси бўйича юқори турувчи ташкилоти (компания) ёки йирик акциядорининг ходими бўлмаган шахслар.

9. Жамият ижро органи (бош директори) ва жамиятни раҳбарияти аъзолар Кузатув кенгашига сайланиши мумкин эмас.

Кузатув кенгаши аъзосининг ваколатлари муддатдан аввал тугатилиши акциядорлар Умумий йиғилиши қарорига асосан акциядорларнинг ўзгариши, кенгаш аъзоларининг ўз

мажбуриятларини бажармаслиги, Кузатув кенгашининг тегишли аризаси берилганда ва бошқа асосларда вужудга келиши мумкин.

10. Кузатув кенгаши таркибига сайлаш учун номзодларга қўйиладиган талаблар Акциядорларнинг умумий йиғилиши қарори билан белгиланади.

#### **5-боб. Кузатув кенгашининг раиси**

11. Кузатув кенгаши раиси Кузатув кенгаши аъзоларининг умумий сонига нисбатан кўпчилик овози билан, ушбу кенгаш таркибидан Кузатув кенгаши аъзолари томонидан сайланади. Кузатув кенгаши раисининг ўринбосари Кузатув кенгаши аъзолари орасидан Кузатув кенгаши раиси томонидан тайинланади.

12. Кузатув кенгашининг раиси бўлмаганда унинг вазифаларини Кузатув кенгаши раиси ўринбосари амалга оширади.

13. Кузатув кенгашининг раиси:

Кузатув кенгашининг ишини ташкил этади;

Кенгаш мажлисларини чакиради ва уларда раислик қилади;

Мажлисларда баённома юритилишини ташкил этади;

Жамият уставида ва қонунчиликда кўзда тутилган бошқа ишларни амалга оширади.

#### **6-боб. Кузатув кенгаши мажлисларини ўтказиш тартиби**

14. Кузатув кенгаши мажлиси Кузатув кенгаши раиси томонидан унинг ўз ташаббусига кўра ёки:

Кузатув кенгаши аъзоси;

Тафтиш комиссияси;

Жамият ижро органи;

Жамият ички аудит хизмати раҳбари;

Жамият ташқи аудитори талаби бўйича чакирилади.

15. Кузатув кенгаши мажлиси бир йилда камида тўрт марта ўтказилади. Кузатув кенгашининг мажлисини ўтказилиши ҳақидаги хабар Кузатув кенгаши аъзоларига мажлис ўтказиш вақти, жойи ва кун тартибига киритилган масалалар кўрсатилган ҳолда факс, электрон почта ёки хат билан Кузатув кенгаши котиби, агар у бўлмаганда Жамият раҳбарияти орқали мажлис ўтказиладиган кундан камида 3 (уч) иш куни олдин юборилади.

16. Кузатув кенгашининг кун тартибидаги барча масалалар, қоидага кўра, олдиндан Жамиятида муҳокама қилинади. Кузатув кенгаши аъзоларига, зарурат туғилганда, қўшимча маълумотлар Кузатув кенгаши котиби ёки Жамият раҳбарияти орқали етказилади.

17. Кузатув кенгаши ваколатига кирувчи масалалар бўйича қарорлар кўпчилик, овозларнинг камида учдан икки қисми билан қабул қилинади. Кузатув кенгаши мажлисида масалаларни ҳал қилишда Кузатув кенгашининг ҳар бир аъзоси бир овозга эга бўлади. Кузатув кенгашининг мажлисини ўтказиш учун кворум Кузатув кенгаши аъзолари белгиланган сонининг камида 75 (етмиш беш) фоизини ташкил қилиши керак.

18. Кузатув кенгаши аъзоларининг сони Жамият устави билан назарда тутилган 75 фоиздан кам бўлиб қолган ҳолларда Кузатув кенгашининг янги таркибини сайлаш учун акциядорларнинг навбатдан ташқари умумий йиғилиши чакирилиши шарт. Кузатув Кенгашининг қолган аъзолари акциядорларнинг ана шундай навбатдан ташқари умумий йиғилишини чакириш тўғрисидагина қарор қабул қилишга ҳақлидир.

Кузатув кенгаши Жамият ижро органи (бош директори) ваколатлари муддатидан олдин тугатилган тақдирда, унинг вазифасини вақтинча бажарувчини тайинлашга ҳақлидир.

19. Овоз бериш ҳуқуқи Кузатув кенгашининг бир аъзоси томонидан Кузатув кенгашининг бошқа аъзосига берилишига йўл қўйилмайди.

Жамият устав капиталини акцияларнинг номинал қийматини ошириш йўли билан кўпайтириш тўғрисидаги ва Жамият уставига тегишли ўзгартириш ва қўшимчалар киритиш ҳақидаги, Жамият устав капиталини қўшимча акцияларни жойлаштириш йўли билан кўпайтириш тўғрисидаги қарорлар Кузатув кенгаши томонидан бир овоздан қабул қилинади.

20. Кузатув кенгаши мажлисларида баённома юритилади, у кенгаш мажлиси ўтказилгандан кейин 10 кундан кечиктирилмай расмийлаштирилиб, тасдиқланади.

21. Мажлис баённомасида:

мажлис ўтказилган сана, жойи ва вақти;

мажлисда қатнашган шахслар;

мажлис кун тартиби;

овоз беришга қўйилган масалалар, улар бўйича овоз бериш якунлари;

қабул қилинган қарорлар кўрсатилади.

22. Кузатув кенгаши мажлисининг баённомаси мажлисда иштирок этган Кузатув кенгаши аъзолари томонидан имзоланади, улар мажлис баённомасининг тўғри расмийлаштирилиши учун жавобгар буладилар.

23. Кузатув кенгаши мажлис қарорлари сиртдан овоз бериш (сўров йўли билан) йўли билан ўтказилганда кенгаш барча аъзолари томонидан бир овоздан қабул қилиниши мумкин.

24. Кузатув кенгаши қарорларни қабул қилиш чоғида овозлар тенг бўлган ҳолларда Кузатув кенгашининг раиси ҳал қилувчи овоз бериш ҳуқуқига эгадир.

Кузатув кенгаши мажлисининг баённомаси имзоланган куни Жамият ижро органига ижро этиш учун топширилади.

Бир қатор техник воситалари, кенгаш аъзоларини идентификация қилиш воситалари ва бошқа техник мосламалар асосида Кузатув кенгаши мажлисини видео-конференц-алоқа тартибида ўтказиш мумкин.

#### **7-боб. Кузатув кенгаши аъзоларининг ҳуқуқ ва мажбуриятлари**

25. Кузатув кенгаши аъзоси:

Кенгаш йиғилишида шахсан қатнашиш, йиғилишда муҳокама қилинаётган масала юзасидан сўзга чиқиш;

ишларнинг шу кундаги аҳволи тўғрисида, Жамият фаолиятининг бирор-бир давр ичидаги асосий натижалари ҳақида, уни ривожлантириш режалари тўғрисида барча тўлиқ ва ишончли молиявий ахборотни олиш;

зиммасидаги вазифаларни бажара туриб Кузатув кенгашидаги иши учун муайян мукофот олиш ҳуқуқига эга;

Кенгаш аъзолари ўртасида вазифаларни тақсимлаш кенгаш раиси томонидан кенгашнинг ҳар бир аъзоси учун аниқ амалга оширилади. Кенгашнинг аъзоларига улар ўз вазифаларини бажариб турган давр учун ҳақ тўланиши ва вазифаларини бажариш билан боғлиқ ҳаражатларнинг ўрни қопланиши Акциядорлар умумий йиғилиши томонидан белгиланади.

26. Кузатув кенгаш аъзоси томонлардан бири жамият бўлган битимдан молиявий манфаатдор бўлган ҳолларда, шунингдек, кенгаш аъзоси билан жамият манфаатлари ўртасида ўзгача низо юзага келган ҳолларда, кенгаш аъзоси битим тузиладиган пайтга қадар ўз манфаатдорлигини кенгашга барвақт маълум қилиши шарт, битим тўғрисидаги қарор эса шундай манфаатдорликка эга бўлмаган кенгаш аъзоларининг кўпчилиги ёки акциядорлар умумий йиғилишида акциядорлар кўпчилиги томонидан қабул қилиниши лозим. Бунда кенгашнинг манфаатдор аъзолари шундай битим бўйича муҳокамада ҳам, қарорлар қабул қилишда ҳам иштирок этмайдилар.

27. Кенгаш аъзолари бевосита ёки билвосита кенгаш томонидан у ёки бу қарорларни қабул қилишга таъсир кўрсатганлик учун ҳақ олиш ҳуқуқига эга эмаслар.

28. Кенгаш аъзолари жамият имкониятларидан (мулкий ва номулкий ҳуқуқлардан, хўжалик фаолияти соҳасидаги имкониятлардан, жамиятининг фаолияти ва режалари тўғрисидаги ахборотдан) шахсий бойлик орттириш мақсадида фойдаланиш ҳуқуқига эга эмаслар.

#### **8-боб. Кузатув кенгаши аъзоларининг жавобгарлиги**

29. Кузатув кенгашининг аъзолари Жамият ва унинг акциядорлари олдида ўз мажбуриятларини тегишли тарзда бажармаганликлари учун Ўзбекистон Республикаси конунчилигига ҳамда Жамият уставига мувофиқ жавобгар бўладилар.

30. Кузатув кенгаш мажлисида овоз беришда қатнашмаган ёки Жамиятга зиён етишига олиб келган қарорга қарши овоз берган Кузатув кенгаши аъзолари жавобгарликдан озод этиладилар.

#### **9-боб. Кузатув кенгаши аъзоларига тўланадиган мукофотлар миқдорини белгилаш тартиби**

31. Жамият кузатув кенгаши аъзоларига тўланадиган мукофот миқдори (Кузатув кенгашининг бир аъзосига бир ҳисобот чорак учун) энг кам иш ҳақининг 4 баробари миқдорида ҳисобланади ва тўланади.